



R segue despregando rede na Pobra: outros 150 novos inmobles poden conectarse a internet de ata 500 megas simétricos

- *Arredor de 150 novas residencias particulares e empresas dos núcleos de Agros Atalaia e A Ponte Barbanza, na Pobra do Caramiñal, xa teñen cobertura das redes de nova xeración de R, e serán arredor de 1.300 cando rematen as actuacións do Plan Avanza.*
- *O despregamento destas redes está subvencionado polos Fondos FEDER da Unión Europea a través do Programa de Extensión de la Banda Ancha de Nueva Generación (PEBA-Plan Avanza) do Ministerio de Asuntos Económicos y Transformación Digital.*
- *A maiores do programa do Ministerio, R leva anos despregando rede neste municipio coruñés, que desta maneira en 2022 disporá de 4.601 inmobles conectados ás súas redes de nova xeración, tendo en conta o Plan Avanza e máis o resto das despregaduras desenvolvidas ata a data na Pobra.*

Mércores, 3 de novembro de 2021.- Os habitantes dos núcleos de Agros Atalaia e A Ponte Barbanza, no municipio coruñés da Pobra do Caramiñal, xa dispoñen de accesos ultrarrápidos a internet de ata 500 megas simétricos e poden desfrutar doutros servizos avanzados de telecomunicacións grazas ás redes de nova xeración de R.

O operador galego vén de rematar alí outro treito das tarefas de despregamento da súa rede de fibra óptica, aproveitando ao máximo as infraestruturas dos lugares pobrenses. Tras as conexións de inmobles realizadas nesta zona durante o verán, arredor de **150 novos fogares e negocios** dos devanditos núcleos quedaron recentemente preparados para recibir os servizos avanzados de teléfono, internet de ata 500 megas simétricos e televisión dixital multicanle de R, e cando remate o plan falaremos de **preto de 1.300 de novas residencias particulares e empresas** conectadas ás redes de última xeración do operador galego só no marco do Avanza.

A maiores, **R** leva moito tempo investindo na despregadura da súa infraestrutura na Pobra do Caramiñal, de maneira que a ese milleiro e un tercio de inmobles sumaranse outros **3.301** conectados ata a data a través doutras accións de desenvolvemento de rede, co que este concello da bisbarra do Barbanza chegará en 2022 á cifra de **4.601** fogares e negocios incluídos nas redes de nova xeración de **R**.

10 millóns de investimento e fondos europeos

Esta e outras actuacións de extensión de rede na provincia da Coruña forman parte dun dos **tres proxectos do Plan PEBA-Avanza** do Ministerio de Asuntos Económicos y Transformación Digital dos que **R** resultou adxudicatario en 2018 para despregar a tecnoloxía FTTH en 512 núcleos de Galicia que non dispuxesen de alta velocidade ata ese momento (“zonas brancas”).

No desenvolvemento dos tres plans investírase un total de **10M€**, dos cales case 8M€ están a ser subvencionados polos fondos FEDER da Unión Europea. En concreto, esta última despregadura na Pobra do Caramiñal, nos núcleos de Agros Atalaia e A Ponte Barbanza, enmárcase no proxecto destinado á extensión de redes de nova xeración en **162 núcleos de concellos do centro-oeste de Galicia** (norte de Pontevedra, sur da Coruña e oeste de Lugo); o investimento total neste caso é de 3,58M€.

Un segundo proxecto fala igualmente do despregamento de banda larga de nova xeración con tecnoloxía FTTH, desta volta en **154 núcleos de concellos do noroeste de Galicia** (A Coruña, norte de Pontevedra e oeste de Lugo), cun investimento total de 2,6M€.

O terceiro dos proxectos adxudicados desenvólvese en **196 núcleos de concellos do suroeste de Galicia** (Pontevedra), traballos que nestas zonas suporán un investimento de 3,75M€.

Máis de 60.000 fogares e negocios conectados

Preto de **30.000 novos fogares e negocios** de Galicia quedarán conectados ás redes de nova xeración de **R** cando terminen as actuacións adxudicadas en 2018. A estes traballos hai que lles sumar as tarefas de extensión de redes avanzadas que desenvolveu **R** dende 2016 en virtude do outro concurso do Plan PEBA do Ministerio para lles achegar tamén a tecnoloxía FTTH a diferentes “zonas brancas” da xeografía galega; en concreto, para conectar **33.000 fogares e negocios**, cuxos servizos están xa en fase de comercialización.

Deste xeito, cando finalicen os dous plans, máis de **60.000 novas residencias particulares e empresas** quedarán preparadas para recibir os servizos avanzados de **R**.

A día de hoxe, só no marco do Plan Avanza, **R ten chegado por vez primeira coas súas redes de nova xeración** a núcleos de poboación das catro provincias galegas que nunca dispuxeran de alta velocidade nos municipios do Rosal, Monterroso, Palas de Rei, Boqueixón, Porto do Son, Curtis, Cuntis, Meaño, Mos, Pobra de Trives, Peñín, Barreiros, Lourenzán, Ortigueira, Cariño, Camariñas, Muros, Cerceda, Antas de Ulla, Moraña, Guitiriz, Tomiño, Abegondo, Ribadumia, Combarro, Muxía, Valga, Vilaboa y Ponte Caldelas.

Todas estas localidades poden gozar agora de accesos ultrarrápidos a Internet de 500 megas simétricos con velocidade garantida, do decodificador Android 4k da televisión dixital de **R** e de pura alta definición co servizo **rebobina**, para ver a tele como e cando se queira.

Así mesmo, as/os clientas/es de **R** poden aforrar no seu plan de datos móbiles e conectarse gratuitamente a arredor de 130.000 puntos da rede wificlientes **R** diseminados pola xeografía galega. E todo isto, cunha atención ao/á cliente/a próxima, de calidade e sempre dende Galicia.

comunicación **R**

prensa@mundo-r.net

R.gal

